



Varios candidato pa minister den problema di screening
**TIN CANDIDATO DI MINISTER A BAY CURACAO PA
BUSCA PLACA PRESTA PA PAGA BELASTING**
Pueblo desgusta a cuminza reclama "eleccion nobo"

Informacion circulando den forma no oficial ta indica cu varios candidato pa minister di AVP ta den problema serio cu screening, pero tambe tin di FUTURO.

Problemanan cu ta wordo menciona ta asunto di debe di belasting. Politiconan of nan casa debe sumanan grandi na belasting y esaki ta

pop up riba nan.

Segun por compronde un candidato di AVP a purba haya prestamo na banconan local pa por paga belasting, pero ningun banco local kier aproba un prestamo. Consequentemente e candidato pa minister a acudi na Curacao pa sondea aya na unda e por fia placa pa por

likida su debe.

Mientras cu tur e informacionnan aki ta sali den comunidad, tur dos formador parece di ta hopi cansa caba y nan no ta divulgando nada na pueblo.

Di otro banda, pueblo a cuminza fada di e situacion y a cuminza reclama "Eleccion nobo"

**DOS DETENCION:
PUSTAMENTO DI AUTO A
TERMINA NA UN ACCIDENTE
SERIO NA PARADERA**



E carta a wordo entrega oficialmente
**COMPER TA SCREEN COMPER ESTA
DAVID KOCK TA SCREEN MIKE EMAN
SIMPLEMENTE NO POR!**



**PARTIDONAN AVP Y FUTURO A
INDICA DI KIER CAMBIA LEY DI
SCREENING**

Parlamentario Endy Croes: E carta a wordo entrega oficialmente

COMPER TA SCREEN COMPER ESTA DAVID KOCK TA SCREEN MIKE EMAN SIMPLEMENTE NO POR!



Parlamentario Endy Croes ta splica cu el a cumpli cu su deber pa manda carta tanto na Raad van Advies y copia pa Gobernador. Esaki ta pa evita cu ni Raad van Advies tampoco Gobernador mañan por bisa cu nan no ta na altura.

Kico exactamente e carta aki ta encera?

Dia 6 di maart momento a trata e presupuesto di Raad van Advies pa cu aña 2025 Parlamentario Endy Croes a hiba palabra. Den su betoog el a haci cierto preguntanan cual a cay manera un “bom”. Parlamentario Endy Croes

a puntra si ta normal cu un padrino di bruid di Mike Eman referiendo na actual Presidente di Raad van Advies Sr David Kock ta esun cu mester investiga y screen Mike Eman. A muestra di ta masha precupa cu e situacion como cu tin un keho oficial entrega na Ministerio Publico 3 di Juni 2020 contra Mike Eman. Mike Eman a ricibi varios transferencia di 50 mil dollar pa su campaña di Roberto Rincon. Tambe ta conoci cu Roberto Rincon a cay sera na merca pa corrupcion y estafa di mas di mil mion dollar. Parlamentario Endy Croes

kier a haya sa si David Kock, e padrino di bruid di Mike Eman, ta na altura di esaki y si ta moralmente corecto cu comper ta screen comper. Esaki ta conflicto di interes y kier pa tur instancianan respecta na Aruba ta na altura kico ta pasando. Si tin un schijn di conflicto caba bo mester hala un banda y laga un otro hende haci esaki. Den cuadro di esaki Parlamentario Endy Croes a manda un carta pa Raad van Advies cu copia pa Gobernador.

Adicional na e carta a inclui e “aangifte” esta e keho oficial

Diaranson ultimo Parlamentario Endy Croes a percura pa e carta aki wordo entrega na Raad van Advies y a laga nan stempel como prueba cu nan a ricibi e carta aki. Mescos Parlamentario

Croes a percura pa entrega copia di e carta aki na Gobernador kende tambe a stempel voor ontvangst. Adicional hunto cu e carta a manda tambe copia di e aangifte esta e keho oficial entrega na Ministerio Publico contra Mike Eman data 3 di Juni 2020 cu prueba cu el a ricibi e transferencianan di 50 mil dollar esta placa preto pa su campaña. A agrega e prueba oficial cu Ministerio Publico a stempel voor ontvangst e keho entrega 3 di Juni 2020. Pues esaki ta prueba cu Ministerio Publico tin e keho aki y aparentemente a scoge pa no pasa e informacion y/of actua ainda. Parlamentario Endy Croes ta keda precupa cu e situacion aki comokiera cu Ley ta conta pa tur hende desde e homber chikito te na grandi pero alparecer Mike Eman ta ‘getaway’



cu tipo di cosnan asina. Parlamentario Croes ta termina bisando cu e ta keda ainda cu confiansa den nos sistema y lo keda percura pa tur esnan involvi den screening ta na altura pa asina pueblo por tin e confiansa cu e Landsverordening Integriteits Ministers (Ley screening di minister) por wordo haci na e manera corecto y ta conta pa tur hende y pa Mike Eman tambe. Moral, Honor y Dignidad mester ta e Compas!

COMUNICADO DI DEPARTAMENTO DI ASUNTO SOCIAL

Entrante April 2025 personanan cu no a logra habri un cuenta bancario ainda y ta den tramite pa regla esaki, lo por cobra solamente ariba diamars na Postkantoor San Nicolas y Postkantoor Oranjestad di 8.00 AM t/c 12.00 PM.

Pa lunanan: April lo paga dia 08-04-2025
Mei lo paga dia 13-05-2025
Juni lo paga dia 10-06-2025

Pa personanan cu ta biba pariba di brug lo cobra na Postkantoor San Nicolas y personanan cu ta biba na Sta. Cruz, Paradera, Noord y Oranjestad (pabao di brug) lo cobra na Postkantoor Oranjestad.

Si bo no cobra ariba e fecha stipula, bo bijstand lo keda blokia y lo bo cobra e siguiente luna.

Pa mas informacion por yama libremente na Departamento di Asunto Social na tel. 528-1100/528-1110 of WhatsApp: 593-3118.
Mail: bijstand@das.aw

Parlamentario Edgard Vrolijk (MEP): HISTORIA DI CAMBIO DI LEY DI SCREENING TA LANTA CABES



Dia 31 di mei 2017 Parlamento di Aruba cu su mayoria (lesa AVP) a aproba e iniciativa di Ley di Screening di Minister di Marlon Sneek. Un ley cu ora a bay pa conseho na 2015 a haya un bon dictum pero e ley cu a ser aproba no tabata esun cu a conseha riba pues tabatin ingrijpende wijzigingen y asina mes Gobierno di AVP a manda esaki pa ser ractifica door di Gobernador. Gobernador na su turno a opta pa mand’e pa Raad van Advies pa conseho y unda cu a conseha Gobernador pa no ractifica esaki paso e ta contra constitucion y tabata carece di elementonan di integridad, transparencia y indepencia.


Ley a ser cambia cu 7 nota di cambio
E iniciador di e ley den e caso aki sr Marlon Sneek durante tratamiento a entrega no menos cu 7 nota di cambio. E notanan di cambio aki a crea cambionan drastico den e ley cu a pone cu Gobernador mester a keda sin ractifica esaki.

Kico ta e cambionan cu Marlon Sneek a haci?
1. A haci e circulo familiar mas compacto y unda si bo tin yiu mayor di edad cu no ta biba na cas mas no mester duna cuenta y esaki

ta contra e PEP cu ta ser usa na entre otro banconan. Esaki sigur tin consecuencia pa mas articulo di ley cu mester verval paso e yiu aki lo no mester duna mas informacion y no lo raporta si tin conflicto di interes y por ehempel por haci negoshi trankilamente cu e tata y hasta kisas por tuma over negoshi di e tata y traha cu e tata.
2. Ta aña di cu bo por tin otro nevenfuncties si bo ta minister pues por tin bo consultancy y por keda strica placa na banda trankilamente sin duna cuenta.
3. Ta kita e screennan riba ongebruikelijke transacties pues si bo haya \$50.000 y banco red flag esaki, pa minister no mester screen esaki.
4. Examen medico ta ser kita.
5. Ta cambia justitieel onderzoek pa justitieel antecedenten onderzoek pues ta wak si bo a yega di haya entre otro boet so pero si bo ta sospechoso of a ser condena pa kisas labamento di placa esaki no ta conta pabo screening. E cambio di e tipo di investigacion hudicial aki ta haci cu un sospechoso prime y durante su periodo of si ta condena por bira of keda un minister henter su periodo trankilamente.
6. Screening riba SVB no ta parti mas di screening pues si bo

ta doño di trabao y ni tabata paga prima di trahador esaki por sigui haci’e paso no ta ser gscreen mas.
7. Ta cay afo unda cu famianan cercano no mester duna cuenta mas si nan tin zakkelijke belangen cu por tin conflicto di interes.
8. Lo mas tristo cu e ley aki si a ractifike por a cambie cu 2/3 di parlamento cu ta hasta contra nos constitucion ora ta trata un ley.
Ultimo aki den un conferencia di prensa pafo di Fort Zoutman e

dos formadornan, esta Sr. Mike Eman y Sra. Gerlien Croes a indica cu nan kier bay cambia e ley di screening. Mirando e cambionan drastico cu nan kier a haci na 2017 pa asina “versoepel” e screening pa nan por pas’e sin problema, ta bon pa e formadornan bin splica ki nan ta desea di cambia pa pueblo sa. Nan kier bin kita e elemento di “screening” di berdad y djis tene un ley bashi y gaña pueblo cu nan ta wordo gscreen di berdad? Pueblo ta keda pendiente pa nan splicacion riba nan cambionan.

<div> OPENBAAR MINISTERIE ARUBA</div> Corte di Prome Instancia 20 maart 2025		
Horario	Sospechoso	Acto Castigabel
08.30	B.L.D.	D. ta ordo acusa di maltrato riba 19 di oktober 2024. E ta wordo acusa di violacion di ley di droga riba 11 di maart 2024. E ta wordo acusa di maltrato riba 6 di december 2023 y di destruccion riba 28 di augustus 2023.
09.45	L.A.Q.	Q. ta wordo acusa di a maltrata un persona riba 16 di september 2024, dor di dal e cu un arma (un tumbler) varios biaha riba su cabez.
10.10	E.C.	C. ta wordo acusa di a maltrata un persona riba 26 di april 2023, dor dal e varios biaha cu forza na su curpa.
10.45	A.E.C.	C. ta wordo acusa di posesion di un pistool riba 7 di november 2023.
11.00	J.A.I.	I. ta wordo acusa di a maltrata un persona cu un arma riba 27 di december 2024, dor di dal e of hinke varios biaha cu un cuchio na su braza. E ta wordo acusa di a menaza dos persona cu morto riba e fecha menciona.
13.30	S.Z.T.M.	M. ta wordo acusa di exportacion di cocaine y posesion di marihuana riba 23 di december 2023.
13.45	G.A.M.H.	M.H. ta wordo acusa di a intencionalmente maltrata un persona riba 9 di februari 2024, dor di choke y/of pushe cu forza.
14.30	E.E.E.St.J.	St.J. ta wordo acusa di maltrato riba 11 di juni 2024.
15.00	J.C.P.P.	P.P. ta wordo acusa di a maltrata su pareha riba 15 di oktober 2023, dor di choke y dal e cu forza na su boca.

Partido MEP

PARTIDO MOVIMIENTO ELECTORAL DI PUEBLO UN BIAHA MAS A CELEBRA DIA DI HIMNO Y BANDERA CU UN BUNITA ACTIVIDAD NA CEDE DI MEP



y platonan crioyo rond di nos isla. Manera tur aña, Partido Movimiento Electoral di Pueblo MEP tambe a organisa su evento un biaha mas na Cede di MEP cuminsando den oranan di mainta te cu atardi.

Durante dia, tur esnan cu a pasa Cede por a disfruta di varios tentnan ofreciendo cuminda crioyo, cosnan dushi y un variedad di aretsania. Tambe tabata tin candidatonan di MEP cu a uni na e celebracion aki bendiendo armbandnan di Aruba traha na man, y cuki cu chuculati cayente. Esnan presente tambe por a disfruta di musica di caha di orgel y di un variedad di cancionan di Aruba pa DJ Alvin Wever cu a sa di pone un bon ambiente.



- Diamars ultimo Aruba a celebra su Dia Nacional, Dia di Himno y Bandera un biaha mas den grandi,

na unda comunidad completo a sali disfruta di varios actividad

Lider di partido MEP Evelyn Wever-Croes tambe a pasa Cede pa asina saluda tur esnan presente y deseanan un feliz Dia di Himno y Bandera. El a keda hopi impresionado pa wak e cantidad grandi di hende cu tabata tin na Cede pa asina saborea e dushi platonan y cosnan dushi cu tabata tin na benta. E ambiente tambe

tabata uno ameno na unda cada un presente por a disfruta di nos dia nacional.

UTV CU A BOLTER NA ROTONDE TANKI FLIP A LAGA AZETA RIBA CAMINDA

Diaranson madruga a drenta informe di cu tin azeta basha riba caminda na e rotonde Tanki Flip. mesora a dirigi patruyanan na e sitio. Na yegada di e patruya a bin compronde cu aki ta trata di azeta cu a plama for di un UTV cu a bolter eynan poco mas tempran. Polis a sera e rotonde pa un rato pa e polisnan coy santo banda di caminda y pone esaki riba caminda.



DOS DETENCION: PUSTAMENTO DI AUTO A TERMINA NA UN ACCIDENTE SERIO NA PARADERA



Mesora polis a bay e sitio cu urgencia. Na yegada, un di e autonan cu a bolter ya "nan" a bolter e bek. E auto ey tawata un Toyota Tercel color blanco.

E accidente a sosode ariba e t-weg cu ta conduci pa bay Jaburibari, un caminda conoci pa accidente.



Mas leu por a mira un Kia Picanto. E problema a cuminsa momento cu emocionnan a bay halto y alabes efecto di alcohol a tuma over.

Palabranan di insulto y no sigui ordo di polis a pone cu a pidi refuerso, mirando cu si mas polis no yega cos lo sali for di man y tawata tin solamente 2 agente policial na e sitio.

Informacion cu polis a ricibi y por a tende esaki tambe na e sitio cu e Tercel tawata pustando y e Kia Picanto lo a bira nan dilanti.

Dos persona a keda deteni, un tata y un hoben cu parse di ta su yiu. E tata a nenga di tawata stuur e auto



Paradera - Diamars anochi ora cu caya ya mester tawata basta keto caba habitantenan di Paradera ta scucha un zonido masha duro mes.

Tawata den careda di 10'or y mey cu un accidente serio ta sosode poco pabou di ex Pacifico Restaurant. Prome Informacion tawata bisa cu un di e autonan a bolter.

durante e pustamente, pero un di su yiunan a bisa polis cu su tata tawata na stuur.

Ambulance a presenta, pa a trata cu un otro yiu di e

homber cu a haya golpi na pia pero nada serio.

Elmar a presenta pa atende cu e wayanan cu a keda benta ariba caminda.

POLIS A DETENE HOMBER STRANHERO CU A BOLTER CU AUTO CANA BAY, DESPUES A BOLBE Y A RESISTI ARESTO

Diamars anochi a drenta informe di cu un auto lo a bolter na Tanki Leendert, mesora a dirigi un patruya na e sitio. Na yegada di e patruya a bin compronde cu e chauffeur lo a cana bay.

Un rato despues e homber a bolbe y a reconose como e chauffeur y e tabata cu su yiu, polis a ripara di biaha cu e homber tabata burachi y a detene. Polis a yama e wela di e yiu pa asina anochi e pas'e cerca su wela mientras e tata ta pasa anochi den cel na warda di polis.



Prome Minister Evelyn Wever-Croes: Durante su discurso riba dia di celebracion di nos Dia Nacional, **PROME MINISTER A CONTA E HISTORIA DI NOS HIMNO Y BANDERA**

18 di maart 2025, Aruba a recorda cu 49 aña pasa, pa prome biaha, nos bandera a wordo hisa den stadion Guillermo Prospero Trinidad, e tempo ey conoci como Wilhelmina Stadion y tambe nos himno a wordo toca pa prome biaha.

Durante e Acto Protocolar en conexion cu Dia di Himno y Bandera, Prome Minister Evelyn Wever-Croes a duna su discurso unda el a conta el a elabora riba e historia di nos himno y nos bandera.

Na aña 1976, Gobierno Insular di Aruba a tuma e decision cu 18 di maart ta bira nos Dia Nacional, esta nos Dia di Himno y

Bandera. E tempo ey caba Betico Croes dfm, tabata lidera e lucha pa concretisa e deseo di nos pueblo pa bira un pais. Y e tabata sa cu un pais sin su bandera y sin su himno ta un pais sin destino

Den e cuadro aki un Comision di Himno a ser institui na januari 1976. Nan a propone pa haci e cancion popular 'Aruba Dushi Tera' e himno nacional di Aruba. E cancion aki, di Padu Lampe cu composicion di Rufo Wever, tabata hopi popular caba na Aruba desde añanan 50.

Tambe a keda dicidi cu lo añadi un di tres couplet, di Hubert "Lio" Booi. E di

tres couplet lo mester a expresa e deseo ferviente di nos pueblo e tempo ey, e di 3 couplet ta bisa:

Grandeza di bo pueblo ta su gran cordialidad

Cu Dios por guia y conserva su amor pa libertad

Gobierno Insular di

Aruba a institui tambe

un Comision di Bandera

cu e tarea pa organisa un

concurso den pueblo pa

un diseño di un bandera di

Aruba. A dretra no menos

cu 693 proposicion. Di

esaki e comision a propone

na Eilandsraad:

Nos bandera blauw; pa e

color di lama y di shelo.

Dos strepi geel; pa e oro,

aloe, industria y turismo.

Ariba un strea cora di 4

punta; cora pa e sanger di



indian y e rand blanco rond di e strea pa nos playanan bunita.

Riba 16 di maart 1976, Eilandsraad a aproba 'Aruba Dushi Tera' como himno oficial di Aruba, y a aproba e diseño di e bandera oficial di Aruba. Y dos dia despues, esta 18 di

maart 1976, e acto oficial a tuma lugar, caminda a proclama oficialmente nos Himno y Bandera y esaki den presencia di miles di nos ciudadanonan.

Prome Minister:

"Mescos cu varios di boso aki, ami tabata un di e ciudadanonan ey, e tempo ey mi tabata un mucha di 9 anja. Mira nos bandera wordo hisa pa prome biaha, y scucha e himno pa prome biaha como himno, a hasi un impresion grandi riba mi, un impresion cu ta keda cumi cada biaha cu mi mira nos bandera wordo hisa, y scucha e himno wordo toca y canta".



CENTRALE BANK VAN ARUBA

BANCO CENTRAL DI ARUBA A REDUCI E RESERVA OBLIGATORIO PA BANCONAN COMERCIAL NA 13,5% ENTRANTE 1 DI FEBRUARI, 2025

Entrante 1 di februari 2025, Banco Central di Aruba (CBA) a reduci e tasa di reserva obligatorio di 14,5% pa 13,5%. E decision monetario aki ta baha e balansanan minimo cu banconan comercial local mester tene na CBA, aumentando asina e fondonan disponibel pa prestamo y pa inversion.

Puntonan principal

1. Reservanan adecua apesar di crecemento den credito

E crecemento di credito (tambe si exclui sumanan incidental grandi) den lunanan recien a subi compara cu comienso di 2024. Sinembargo, te cu 20 di december 2024,

reservanan a surpasa substancialmente e metriconan di reserva cu CBA ta monitor. E metriconan aki ta inclui e cobertura di pagonan riba cuenta coriente y e metrico di reserva adecua manera usa pa e Fondo Monetario Internacional (IMF). Ademá, CBA ta anticipa cu reservanan oficial y internacional lo sigui crece y keda adecua.

2. E deceleracion den inflacion, midi na final di luna contra e mesun luna di e aña anterior

Prijsnan a aumenta cu 1,9% den e ultimo 12 lunanan compara cu e 12 lunanan prome. Mientrastanto, na november 2024, e tasa di inflacion, midi na final di luna contra e

mesun luna di e aña anterior, a cay te na 0,8% compara cu 1,0% e luna anterior. CBA ta premira cu e inflacion aki lo sigui mengua den 2025.

CBA ta monitor cierto indicadornan monetario y economico y si ta necesario lo ahusta su posicion di maneho monetario pa mantene e tasa fiho di e florin na e dollar Mericano .

Pa mas informacion por manda un email na: communications@cbaruba.org

Banco Central di Aruba
17 di maart, 2025

Prome Minister Evelyn Wever-Croes: PROME MINISTER A REUNI CU MINISTER PLENIPOTENCIARIO NA WASHINGTON DC SEÑORA ZULEMA DABIAN

Diaranson mainta Prome Minister Evelyn Wever-Croes a reuni cu Minister Plenipotenciario na Washington DC señora Zulema Dabian. Durante e reunion a toca varios tema di interes general di e relacion entre Aruba y Merca pero tambe pa loke ta trata e trabounan cu señora Dabian ta haci pa pais Aruba na embahada di Reino na Washington DC.

Prome Minister a indica cu e relacion entre Aruba y Merca ta uno hopi importante, mirando cu Merca ta e partner mas importante pa loke ta trata nos pilar economico cu ta turismo, y pa e seguridad di nos region. Aruba su economia ta depende grandemente di Merca y hopi ta e studiantenan Arubiano cu ta bay studia eyan. E region aki ta uno instabil cu hopi desaroyo y

retonan grandi y pa manten'e mas sigur y trankil e Mericanonan ta hunga un papel crucial.

E trabou di e Minister Plenipotenciario na Washington DC ta hopi importante pa pais Aruba en general pero tambe pa casonan individual. P.e. ora cu Colegio Nigel Matthew tabata na Merca pa un biahe di estudio, señora Dabian tabata cu nan y a yudanan.

Otro aspecto importante cu e Minister Plenipotenciario ta traha riba dje ta e acuerdonan cu e universidadnan na Merca. E acuerdonan aki ta yuda e Arubianonan cu ta bay studia na Merca pa haya e "in-state tuition", y asina por atende e universidadnan aki pagando mescos cu un residente di Merca. Actualmente



Aruba tin acuerdo cu varios scol caba na Merca, pero semper ta bon pa traha na expande esaki un poco mas.

Prome Minister a expresa di ta hopi satisfecho cu e trabou cu señora Dabian a bin ta desplegando.

Mirando cu Merca tin cambio di administracion y gobierno, ta señora Dabian ta esun cu ta mantene nos informa di cualquier incidente y ta duna nos conseho con pa atende cu esakinan pa asina nos mantene e bon relacion entre Aruba y Merca.

Parlamentario Rocco Tjon (MEP): PARTIDONAN AVP Y FUTURO A INDICA DI KIER CAMBIA LEY DI SCREENING



Nos a tuma nota di declaracion di e dos formadornan, sr. Eman y sra. Croes, cu nan kier bay

ahusta e ley di screening, pasobra e no ta practico segun nan.

Mester splica e motibo Mi ta kere ta bon pa nan sali splica kico exactamente no ta practico. Pasobra si bo no ta condena pa ningun delito, bo no ta sospechoso den un caso penal andando, y semper abo y bo famia a cumpli cu debenan di belasting, bo ta pasa bo screening masha trankil mes. Pues no tin nada complica na e ley. Es mas

e ta un proceso obhetivo cu ta wordo ehecuta door di departamentonan manera belastingdienst, FIU, Ministerio Publico y Veiligheidsdienst.

Preguntanan cu mester contesta E pregunta mas bien cu Mike y Gerlien lo mester contesta ta, kende tin problema cu e screening? Kico e problema ta? Y dicon kier forsa pa e persona aki toch bira minister? No tin ningun otro candidato

di AVP of Futuro cu por asumi e responsabilidad aki?

Motibo real di e tardansa di formacion No ta e ley di screening ta complica. E hayasgonan di e diferente investigacionnan ta haci'e complica kisas pa cierto hende por bira minister. Es mas loke realmente a tarda ful e formacion ta cu tin problema interno den e partidonan kende lo mester bira minister,

y pesey a tarda pa duna nomber. Ademas tambe e hecho cu AVP no tawata tin un programa di partido a lag'e tarda mas. Y te ainda no tin ningun acuerdo di gobernacion entre e partidonan.

Ta urgi ambos partido pa pone interes general, interes di Aruba, dilanti di e interes di nan partido y algun miembro. Pa asina formacion por keda cla, pasobra e situacion actual no ta bon pa Aruba.

“Muchanan saludabel ta desaroya y presta miho!”

SCOL SALUDABEL ARUBA CU TRAINING PA GEZONDE SCHOOL ADVISEURS Y GEZONDE SCHOOL COORDINATOREN



19.03.2025. Den siman di 10 te cu 14 di maart 2025 Scol Saludabel Aruba a organisa un training pa ‘Gezonde School Adviseurs’ y ‘Gezonde School Coordinators’. Na e training aki a participa un grupo di profesionalnan di diferente departamentonan di gobierno entre otro, Departamento di Salud Publico su seccion di Jeugdgezondheidszorg y Health Promotion y Departamento di Asuntonan Social. Tambe a participa un grupo di maestro di e diferente scolnan cu ta den e

proceso pa bira un Scol Saludabel. Esaki a encera docentenan di Movecion y Salud, coleganan docente, Interne Begeleiders y/of schoolleiders. E training a wordo duna na Directie Volksgezondheid y edificio di Departamento di Enseñansa (sala MFR) Durante e siman aki e participantenan a haya un training intensivo ariba e concepto di Scol Saludabel. Esaki a encera profundisacion di e pasonan di e proceso di Scol Saludabel.


Cu esaki nos lo por conta cu mas ‘Gezonde School Adviseurs’, cu ta personanan cu lo bay guia y duna conseho na e scolnan den e proceso pa bira un Scol Saludabel. E ‘Gezonde School Coordinators’ a adkiri habilidad y conocimiento pa por implementa actividadnan di Scol Saludabel den nan respectivo scolnan.

Sra drs. Swinda Dumfries, coordinador di team Gezonde School Adviseurs ta gradici e Ministerio di Salud, Ministerio di Enseñanza y Ministerio

di Asuntonan Social pa nan cooperacion pa por a haci e dianan di training aki posibel. Por refleha riba un siman di training exitoso y fructífero.

Pa mas informacion like nos Facebook page Directie Volksgezondheid DVG Aruba, Follow nos riba Instagram [directie_volksgezondheid_aruba](https://www.instagram.com/directie_volksgezondheid_aruba), subi nos website www.dvg.aw, yama nos na 5224200 of mail nos na servicio@dvg.aw

ACCIDENTE SPIEL CU SPIEL NA SERO PITA, POLIS ESPECIALISTA DI TRAFICO A PRESENTA PA EVALUA LOKE A SOSODE



Diaranson mainta a drenta informe di un accidente na Sero Pita, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda e caminda ta hopi smal y mester a pidi e especialista di trafico bini y resolve kiko exactamente



a pasa den e accidente aki. hende a resulta herida. Afortunadamente ningun

Partido MEP:

En conexion cu Celebracion di nos Dia Nacional, PARTIDO MEP A HISA E BANDERA MAS GRANDI DI ARUBA Un tradicion desde aña 1997



17 di maart, na bispo di nos Dia Nacional, Dia di nos Himno y Bandera, prome cu mey anochi, a tuma luga e tradicional hisamento di e bandera mas grandi di Aruba na Cede di Partido Movimiento Electoral di Pueblo.

Lider di MEP, Evelyn Wever-Croes tawata presente hunto cu varios colega y a hisa e bandera mas grandi di Aruba net mey anochi, y a canta nos Himno. Un tradicion cu Lider di MEP a percura pa continua cun'e y engrandece cada bes mas. Un publico grandi tawata presente na Cede di MEP y a presencia Lider di MEP, hunto cu candidatonan, cu acompañamento di brassband cana cu e bandera di Aruba pa despues e bandera wordo hisa y e himno wordo canta.

E evento special aki ta un

tradicion cu a cuminsa na aña 1997 cu señor Harry Croes y señor Rudy Croes, ambos den feliz memoria, como un iniciativa pa uni pueblo di Aruba y lanta e sentimento patriotico di cada ciudadano. Lider di

Partido MEP a expresa cu e evento aki na bispo di Dia di Himno y Bandera, tur aña, ta lanta un sentimento di orguyo y alegria inmenso, ora mira e bandera mas grandi di Aruba bay halto.



Auto casi a drenta na Welcome Snack

Diadomingo mainta a drenta informe di un incidente unda un auto casi a drenta Welcome Snack na De La Sallestraat,

mesora a dirigi un patruya na e sitio. Na yegada di e patruya a bin compronde cu e chauffeur ora di primi brake a primi trot

y e auto a bay dal riba e tubonan y dobla esakinan. Afortunadamente ningun hende a resulta herida.



CHAUFFEUR A PASA OVER DI ROTONDE TANKI LEENDERT BAY PEGA DEN CURA DI WELDING SHOP



Diasabramadruga a drenta informe di un accidente cu hende herida na rotonde

Tanki Leendert, mesora a dirigi tanto polis como ambulans y bomberonan



na e sitio. Na yegada di e patruya a bin compronde cu un chauffeur cu tabata na Piedra Plat y tabata bayendo su cas, na altura di e rotonde Tanki Leendert a pasa hopi duro over di e rotonde y a bay pega den e cura di e welding shop pabao di caminda.

Na yegada di e ambulans nan a atende e chauffeur



y a transporte pa hospital cu urgencia. Na yegada di bomberonan nan apercura

pa e auto no a pega na candela y a corta e waya di bateria.

Chauffeur di un Changan a bay dal riba e chanchan di un Kia Picanto

Dialuna mainta a drenta informe di un accidente na Pos Abao, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda cu e

chauffeur di un Changan no a regula su velocidad ni a mantene distancia y a bay dal riba e chanchan di un Kia Picanto. Afortunadamente ningun hende a resulta herida.

PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500



POLIS A LOGRA HAYA AUTO CU A HIT & RUN NA URATAKA



Diasabra madrugá a drenta informe di un accidente na Urataka, mesora a dirigi un patrulla na e sitio. Na yegada di e patrulla a bin compronde cu aki ta trata di un accidente hit & run unda e auto a sigui core bay pero despues di a busca un rato a bin logra haya e auto y a pone e chauffeur bolbe na e sitio. Na yegada di e dama chauffeur ela pidi pa un ambulans. Na yegada di e



ambulans nan a atende y a transporte pa hospital.

Polis investigando posibel accidente unda auto lo a dal un peaton na Bubali



Diadomingo anochi laat a drenta informe di cu tin un homber a yega pa pidi ayudo y a sak den otro na Bubali, mesora a dirigi tanto polis como ambulans na e sitio. Na yegada di e patrulla no por a logra saca nada for di e victima. Polisnan a puntra

rond kiko por a pasa pero ningun hende no tabata sa. Ta supone cu auto lo a dal e. Na yegada di e ambulans nan a atende y a transporte cu urgencia pa hospital. Polis a keda di revisa camaranan di seguridad den e vecindario pa haya e contestanan.

Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO
De Pueblo

MUNDO DI DEPORTE LOCAL

MESTER DI MAS HOBEN

PROFESIONAL

COA presente durante anochi di orientacion di Mon Plaisir College Havo/VWO

Siman pasa diaranson durante un anochi placentero y interactivo, Comité Olimpico Arubano (COA) a participa den un sesion di orientacion organisa door di Mon Plaisir College Havo/VWO. Aki tur estudiante cu ta den proceso di eligi nan pakete pa “bovenbouw”, a ricibi informacion di diferente profesional cu a splica di nan ramo di trabou y profesion.

Den e caso di COA, Sra. Nicole Hoevertsz a presenta como Secretaria General di COA y Vice Presidente di Comité Olimpico Internacional (IOC), a elabora riba e diferente tareanan di un profesional cu ta traha den e mundo di deporte. Aunke tur hende conoce COA como un instituto di deporte cu ta percura pa delegacionnan di atletanan representa Aruba den e diferente weganan den un ciclo Olimpico, hopi no ta conoce cantidad di trabou cu ta pasa na diferente nivel pa logra esaki. Banda di e participacion deportivo, tambe a splica e cantidad di otro tareanan importante cu COA tin, manera promove e balornan olimpico, capacita e dirigentenanan di nos federacionnan local y desaroyo general di deporte na Aruba. Tur esaki ta posibel solamente



si tin suficiente hende capacita y motiva pa yuda cu e procesonan aki, pues semper tin mester di mas profesional den e mundo di deporte.

Finalmente, a duna espacio na e grupo di hoben pa haci cualkier pregunta nan tin, y a base di e gran cantidad cu a ricibi, a constata cu e interes den nos mundo di deporte ta grandi. Tur hoben cu a participa durante e sesion cu COA, a ricibi un pin pa asina corda riba e balornan Olimpico cu por wordo aplica na tur cos den bida; Amistad, Respect y Excelencia. #TEAMARU



Accidente despues di un accidente riba e "Green Corridor" cu 2 hende levemente herida



Dialuna atardi a drenta informe di un otro accidente cu hende herida riba e "Green Corridor" riba e mesun

caminda, mesora a dirigi tanto polis como ambulans na e sitio. Na yegada di e patruya cu tabata eybanda mes

atendiendo un otro accidente a bay atende e accidente ey tambe unda cu e chauffeur di un Nissan

Primera no a regula su velocidad ni a mantene distancia a bay dal tras di un MG. E impacto tabata fuerte

y tabata tin 2 dama herida. Na yegada di e ambulans nan a atende ambos victima na e sitio mes.

CHAUFFEUR DI TRUCK A LASTRA BRAKE BAY DAL TRAS DI UN HONDA FIT LAGANDO CHAUFFEUR HERIDA



Diamars atardi a drenta informe di un accidente cu hende herida riba e caminda di Tanki Leendert, mesora a dirigi tanto patruya como ambulans na e sitio. Na yegada di e patruya a bin compronde cu aki ta trata di un accidente unda e chauffeur di un truck a lastra un brake y a bay

dal tras di un Honda Fit. Un rato despues e dama chauffeur di e Honda a

cuminsa sinti dolor di nek y a yama ambulans pa bini y control'e.

Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO
De Pueblo

SELECCION NATIONAL DI ARUBA A YEGA PHNOM PENH, CAMBODIA



Phnom Penh, Cambodia – Despues di un biahe largo di 17,160 kilometro, seleccion di Aruba a yega

finalmente na Phnom Penh, Cambodia, pa prepara pa nan partido amistoso internacional cu



ta na caminda. Despues di varios dia di biahe, e team a haña oportunidad pa los nan pia y aclimatisa na e lugha mientrastanto ta prepara pa nan prome



training mañan, 20 di maart. E partido contra di Cambodia lo tuma lugha 25 di maart, pa 7:00 PM hora local di Cambodia (8:00

AM na Aruba) na Stadio Olimpico Nacional. E lo ta un evento historico pa e nos seleccion di Aruba, pasobra lo ta pa prome biaha cu nos ta hunga riba e continente Asiatico.

DESPUES CU AUTO A BOLTER, NAN A SALI CORE BAY



Polisnan cu a yega a cuminsa tira bista rond, pa mira si ta bin topa cu e duo aki. No ta conoci si nan a resulta herida of kiko ta e motibo cu nan a core bay laga e auto.

Polis tin e number di e auto y asina nan lo por trace e donjo.

Tanki Leendert - Diamars anochi polis a wordo manda Tanki Leendert, unda cu Hyundai Veracruz a bolter ariba un caminda keto parti paden.


Segun nos a compronde, un ciudadano lo a bin topa e accidente y manera tur hende lo a haci a baha pa yuda. Parse cu e ora ey, dos persona den e auto a habri porta y core bay di e sitio.

Clasificados




SOLODIPUEBLO@GMAIL.COM
CEL.585 9500






Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - March 19, 2025




Sorteo # 4568

5670


5141
6202


X3

BIG 4

Sorteo # 4568


4087

X2

DFF

Sorteo # 2624


0630

ZODIAC

Sorteo # 4568


0707


Sagitario

LUCKY 3

Sorteo # 1442

106

X2



Sorteo #

0 x Jackpot

0 x Match 4+


0 x Match 4

0 x Afl. 12,00

Joker Letter

Proximo Jackpot

200.000,-



Sorteo #


0 x Jackpot

0 x Match 4

0 x Afl. 8,00

Proximo Jackpot

50.000,-



Sorteo #

0 x Jackpot

0 x match 4

0 x Afl. 500,00


0 x Afl. 50,00

0 x Afl. 15,00

Mega Ball


Proximo Jackpot

300.000,-




Sorteo #

Afl. 420.000,-



Sorteo #



SUDOKU

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		5	3					
8							2	
	7			1		5		
4					5	3		
	1			7				6
		3	2				8	
	6		5					9
		4					3	
					9	7		

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.

Cu dolor na nos curason pero conforme cu
boluntad di Dios,
nos ta participa fayecimento di nos ser stima:



Margriet Jansen-Laclé

Mihor conoci como: "Chichi"

*12-12-1946 - †18-03-2025

Yiu di Maria y Doeï Laclé-Loopstok

Acto di entiero lo wordo anuncia despues.



Obituario



Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto
ser dera

Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto
ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afi 400,00

Pa mas informashon por tuma contacto cu oficina na
585-9500 of na 741-4554

Oracion di dia

Un feliz dia bendiciona yena cu gracia di Dios

"Lo Bo ta sacerdote pa semper na e mesun manera cu Melkisedec."
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa
semper, bunita titulo pa Hesus aunke Hesus no mester di ningun
introduccion of titulo paso E ta Dios y Dios ta Amor. Asina mes den
Hesus nos por experencia Amor, E Amor Unico cu nos tur ta anhela
consciente y inconscientemente nos tur ta anhela di experencia E Amor
di Dios.

Ta difcil pa esey sosode? Ta bon pa nos sa cu tur cos ta
depende di con habri nos curason ta pa Hesus y con nos ta permiti
Spirito Santo move den nos.

Diadomingo nos a scucha cu nos tin e
donnan y awor ta keda nos nada mas cu resa y pidi Spirito Santo habri
nos curason pa nos experencia y pone e donnan den practica y asina
acepta y cumpli cu Dios su boluntad den nos bida y nos biba!

Oracion: Hesus mare nos tur por reconece cu Abo ta nos Rey di Husticia
y acerca Bo curason misericordioso pa nos salvacion.

Amen

Pa Orashion prome
cu entiero

ESTA VIGILIA
y orashion despues
di entiero esta
OCHO DIA

por jama
Atanasio Bremo

Cel. 569 2763
of 568 6141

SEMPER NA BO ORDO

